

AITA ZAPIRAIN-I

Gure aita Zapirain
euskaldun abilla,
arrokeri gabeko
zintzo ta umilla;
zan ibiltzen etzana
erriyeta billa,
gañera gizon ona
prestu ta isilla,
Zeruaren erdiyan
gaur arki dedilla.

Beti idukiko det
biyotzez goguan,
ta bere irudiya
albanu kolkuan;
bazekiyen zer nola
ibilli munduan,
argatik ipintzen det
aundiyen graduan,
noski Pello Mari-kin
gaur dago Zeruan.

JOSÉ MANUEL LUJAMBIO (*Chirrita*).

*
* *

OROIMENA

Ez damu izan, naiz eriyotzak
Ebaki zure isatia...
¿Zertan igaro mundu onetan
Bizi bat penaz betia?...
Bakar bakarrik oroitutzen zait
Zure echadi maitia;
Bañan, ala ere erreguturik
Jaunaren borondatia...
Merezi zendun, ta iriki dizu
Zeruetako atia...

RAMÓN GUEL BENZU